

而久立三冬抱雪以安眠雞已烹而復唱鴉雖飲而命延受金
國之四詔拜玉皇之兩宣試問鐵植山下月肯將消息向人傳
其七
太古壯年幸識重陽高出煙霞之外遠拋名利之場甯海市中
挽回日月趙州橋下坐斷冰霜鍊五行而作髓煎八卦以爲糧
八十四年通債了東風迴首舊家鄉

或曰七真之道盡於此乎曰未也是猶追騏驥之遺踪拾鳳
凰之落羽以爲驥鳳之全體可乎或者笑而稽首惟聖知聖
惟真知真惟鳳知鳳惟麟知麟惟披雲老仙妙齡入道侍長
春者四十餘霜矣得全真之尤精者也於七真之顯神藏用
道藏輯要

鳴鶴餘音

真

蕭集八
卷十一

逍遙吟

處順適逍遙全身遠俗囂狎鷗泳滄渚鼓瑟會漁樵軼軻心無
恥尊榮志不高收綸望晚釣信步興春翹完矣豐綸綌沛然澤
蓼蕭黃庭消百慮紫芋待終朝於馬開三徑扶搖玩九霄暢情
橫短笛握固返垂髻寵賜非憑據清閑足富饒儘他使副墨惟
獨貫參寥遂志浴沂水嫌喧棄許瓢虛懷蠲斲挫銳混芻蕘
時否潛知止歲寒節不凋九思知節操五柳任蕭條伉儷或耘
耔歸休懶折腰灌畦甘抱甕忘味喜聞韶除害輕金玉聿修光

祖祧高奔邁騏驎奮翼笑鷓鴣絕學游玄圃頌歌聖朝觀
臨曲沼覆鹿用枯蕉塞兌徒居實深根匪掘苗解紛須侃侃養
素樂夫天塗隙藏深密如愚匿懋昭參禪稽偈便樞瓦巧靈潮
齊物真何碍封戎世可超悲嗟蝸競角坐看鳥遷喬但看同耕
叟焉能屈下僚鳳笙雲外聽春色杖頭挑刻木爲誰放無絃琴
自調搏空歸去日不必借鑿鑿

堂規榜

白玉蟾

天地神人鬼五仙盡從規矩定方圓逆則路路生顛倒順則頭
頭合自然道從古有堂自近興爲神仙養素之軒乃散聖息肩
之地晨昏香火上祝皇王聖壽無疆朝暮經誼下保檀那各家

道藏輯要

鳴鶴錄音

皂

菊集八
X上X

清吉是以隱顯莫測凡聖同居隻笠簞瓢作壺中之活計孤雲
野鶴是物外之閑人散誕無拘逍遙自在黃梁夢覺安然一枕
清風金汞爐開寂寞半窻明月功成行滿體妙神靈伏龍虎而
出昏衢跨鸞鶴而歸洞府其或初離俗網乍入玄門性天未徹
心地尙迷切宜遵守準繩久則不違模範侍師敬友念道思真
常於性命上留心莫向利名中掛意行須緩步語戒諠譁勿歌
天艷之詞莫講是非之事公私出幹不許見燈而迴打坐絕言
直待鐘鳴而起來時明白掛搭去時對眾抽單稍有違犯量其
罪咎輕則香油茶餅重則竹篋下山偷盜分文毀燒衣鉢飲酒
賭博不許在堂職事有違理當倍罰故茲榜示各令知悉